

隨身給候、宇多院停尊號、白河院令辭隨身給歟、縱無先跡、可有叡慮、况可准據彼等例之由、所思食也、但御却狀御願文年月下、書太上天皇有御諱字、而御辭退之後、可被置前字歟、將只可被書御諱許歟、如何、如此之趣、委細可令計申給者、依御氣色言上、如件、予申云、不論先例、如可令辭申尊號給者、只可任御叡慮也、但辭退尊號後、前太上天皇字不可候歟、只御諱字計可候也、早以此旨、可令奏達給、廿四日、從院有召、午時許著直衣參院、民部卿忠源大納言賴師按察大納言實行參會、以藤中納言顯賴被仰云、明年御慎重、仍可被辭申太上天皇尊號并御隨身也、而如御願文祭文時、可被書前太上天皇歟、如何、前字可有其忌歟、人々相議被申云、前字不可有其忌、臣下毛辭官之後、號前太政大臣常事也、又被仰云、先々雖有返報、於今度者長可辭申、不可被返之由欲奏也、人々申云、可在御慮也、及申時退出、廿九日、參院、民部卿、源大納言、按察大納言直巳中納言顯賴卿參入、今日尊號御封御隨身令辭申給也、大貳實光作報書、源大納言被申、封書之中、厄運殊重字、可被改歟、先年入道左府、厄運重詞、可忌之由、被云置事候、仍厄運可慎之文、被成了、朝隆清書用檀紙、入宮裏檀紙、顯賴卿取報書置小大盤上、使別當右衛門督實能卿取之、令持六位判官代清雅、立先被參內、置殿上小大盤上、頭辨宗成取之持參殿下、內覽奏聞之後、納日記御厨子申了、長依令辭申給、無勅答、由被沙汰也、○又見一

〔本朝續文粹七書狀〕鳥羽院奉答天皇○崇請罷尊號仙院御報書敦光朝臣

先命重至、謙拒彌深、夫亢龍之誠、易象垂文、頻據冲挹之旨、請罷上皇之名、今披尺牘之無許、更有寸心之不移、彼唐堯之遊汾陽也、未聞稱謂之舊典、劉媪之歸豐邑也、始傳太上之新儀、縱雖聞奕代之勝躅、寧忝尊號於微躬、方今乾坤屢呈變動之異、州縣不休虛耗之愁、非雷厄會之可惶、兼傷凋殘之難救、况乎翫林泉於洛外之地、尋烟嵐於壺中之天、閑適者養生之藥也、何必收雲稼於民烟、仁義者却邪之器也、何必耀霜仗於仙洞、然則封戶之租、早停來貢、期門之士、莫分嚴威、

保延三年七月廿二日